

Ilitsersuut

Ilitsersuut - Kalaallit Nunaanni ilinniagaqarnissamut ilinniagaqarnersiutisinissamullu qinnuteqarfisamut immersuineq

Ilitsersuut una "Kalaallit Nunaanni ilinniagaqarnissamut ilinniagaqarnersiuteqarnissamullu" qinnuteqarfissap immersornissaannut iluaqutaassaaq. Ilitsersuutip qinnuteqarfissami immersuiffissat tulleriaarneri malippai. Amerlanerusunik apeqqutissaqaruit kommunimi ilinniarnissamut siunner-sortimit/Majoriaq-mit ikiorneqarsinnaavutit.

Soraarummeernernut, misilitsinnernut allanullu suliarisimasannut immersuiffissami allassimasatit uppernarsaataat ilanngullugit nassiutissavatit. Piffissaq qinnuteqarfissaq sioqqullugu pappiarat uppernarsaatissat pisariaqartinneqartut pissarsiarinissaat angumerisinnaangikkukku taakku kingusinnerusukkut nassiunneqarnissaat pillugu nalunaartumik allakkanik ilanngussisinnaavutit. Malugiuk uppernarsaatit piumasarineqartut ilanngullugit takussutissartaqalerpata qinnuteqaatit aatsaat naamassillugu suliarineqarsinnaammat.

Uppernarsaatit assilineri tamatigut ilanngunneqassapput. Naqeqqaarnera nassiutinngisaannakkit. Assilinerini tamani teqeqquata talerpiatungaani inuttut normut allattassavat.

Qinnuteqaatit uppernarsaatitalik kommunini siunnersuisarfiup allaffianut nassiunneqassapput tunniunneqarlutilluunniit, qinnuteqaatillu tassanngaanniit ingerlateqqinneqassallutik.

1. Inuttut paasissutissat

Atitit tamakkerlugit allakkit, aamma atit taaguutaangitsut tamaasa. illoqarfik najugaqarfik, inuttut normu. aamma ukuninnga takutitsinikkut najugaq:

- Kuisinnermut allagartaq, ateqarnermut allagartaq imaluunniit inuttut normu. Katinnermi ateq allanngortinneqarsimappat aamma

katinnermut uppernarsaatip assilineri ilanngullugu nassiunneqassaaq

- Najugaqarnermut uppernarsaat

2. Angajoqqaat/akisussaasup aqqa najugaalu.

Pisortanit pissarsiarineqarsinnaangikkuit taava angajoqqaat/akisussaasoq attaveqarfigineqarsinnaapput. Uppernarsaat pisariaqanngilaq.

3. Qitornaq/qitornat

Bilitsisoqarnissaa ilinniartullu ineqarfianni inissarsinissaq eqqarsaatigalugu allanneqassaaq.

4. Katisimallugu aappaq/aapparisaq.

Bilitsisoqarnissaa ilinniartullu ineqarfianni inissarsinissaq eqqarsaatigalugu allanneqassaaq.

5. Inuk attavigineqartussaq/qaniginerpaasaq.

Inuk attavigineqartussaq/qaniginerpaasaq allanneqassaaq tassanngaannartumik pisoqarsinnaane-ra pissutigalugu soorlu peruluttumik napparsimalertoqartillugu imaluunniit toqusoqartillugu.

6. Ilinniagarerusutaq.

Ilinniarnissamat kissaatigisap (kissaatigisat) taaguutaa eqqortoq allaguk. Taaguutaa eqqortoq uani nassaarisinnaavat <http://www.sunngu.gl>.

Suliffimmi misiliinissamat neriorsorneqarsimaguit uppernarsaat ilanngutissavat.

7. Ilinniarnertuunngorniarmiit

Ilinniarnertuunngorniarmut qinnuteqaruit una immersussavat.

7 a: Ilinniakkatigut sammiviit

Ilinniakkami sammiviit katillugit pingasut pingaarnernit tulleriarlugit ilinniakkap sammivia ilinniakkallu normua ilanngullugit siumut nalunaarutigineqassapput:

7. Ilinniarnertuunngorniarmut ilinniarnert - Gymnasiale uddannelser			
Immikkoortup 6-ip ataani ilinniarnertuunngorniarmut qinnuteqaruit immersorneqassooq Udfyldes af ansøgere der i punkt 6 har valgt den gymnasiale uddannelse			
7 a. Gymnasiami ilinniagassap sammiviata suuneranik toqqaanermi siumut nalunaarut Forhåndstilkendegivelse om valg af gymnasial studieretning			
Pilerigin erusat Prioritet nr.	Sumik ilinniagaqarnissamik taaguut Studieretningens navn	GU-mik ilinniarnertup taaguutaa Gymnasieskolens navn	ILLIN. KISITSISAA /UDD.NR.
1	Naturvidenskab	GUX Aasiaat	110050
2	Sprog	GUX Aasiaat	110070
3	Kreativ	GUX Aasiaat	110040

Siumut nalunaarutigisap pituttuisuungilaq ilinniagassallu sammivia tunngaviusumik ilinniarnertup naajartornerani qinerneqassalluni. Ilinniagassap sammivia kommunigisami neqeroorutigineqartut akornannit qinerneqassaaq. Ilinniagaq aalajangersimasooq qanittumi neqeroorutigineqanngippat ilinniagassarlu kommunimi sanilerisami neqeroorutigineqarpat qinnuteqartigineqarsinnaavoq.

7.b.: Suliamut atatillugu inuttulluunniit pissutsit inatsimmi § 11, imm. 1-imi aamma 2-mi naapertornagit ilinniarnertuunngorniarmut allamut qinnuteqarneq.

Pissutsit immikkut ittut pineqartariaqarput. Qinnuteqaatit ikittuinnaat akuerineqartarput.

Pissutissat isiginiagassatut assersuutaasinnaasut:

- Pissutsit ilaqutariinnermut tunngasut soorlu aapparisaq kommunimi allami tigutissimappat imaluunniit anaanaq/ataataq kommunimi allami najugaqalersimappat.

- Suliamut atatillugu kommunimi najugarisami neqeroorutigineqanngitsumik ilinniakkap

sammivianik toqqaaneq.

8. Ingerlaqqissutissamik soraarummeerneq

Ilinniarfissanit assigiinngitsunit tigutinnissamut piunasaqaatit ilinniarfiit nittartagaanni takuneqarsinnaapput. Taakkua www.sunngu.gl-imut iserlutit nassaarisinnaavatit.

Ukioq suna soraarummeersimanerlutit ilinniakkamilluunniit suli ingerlatsinerlutit allassavat.

Atuarfimmiit ilinniagaqarnermilluunniit pappiaqqat assilineri ilanngullugit nassiutissavatit. Aasamut meeqqat atuarianniit, ilinniarnertuunngorniarfimmiit, Majoriami ingerlatsininnit immaqaluunniit efterskolemit naatsorsuutigigukku naammassissallutit, taava karakterit allattorsimaffiata kingulliup assilineri ilanngullugu nassiutissavat.

9. Ingerlatat matumani ilinniarnerit taamaatinneqarsimasut ilanngullugit

Suliffeqarfiup qinnuteqaatinnik suliaqartup takorusuppaa suut ingerlannikuuneritit imaluunniit suut ingerlanneritit, assersuutigalugu:

- Sulineq
- Nunami allamiinneq
- Efterskolerneq
- Højskolerneq
- Imaluunniit ilinniarnermik pikkorissarnermilluunniit taamaatitsinerit

Suliarisimasat ajornangippat uppersarsarneqassapput.

10. Misilitsinnerit/soraarummeernerit allat

Uani allassavatit, misilitsinnerit allat angusiffigisimagukkit imaluunniit atuarnerpit saniatigut allatut soraarummeersimanitit. Ukioq suna taamaatissimanerlutit imaluunniit ingerlatsinerit pillugu allassavat.

Pikkorissarsimanerlutit uppersarsaat imaluunniit uppersarsaatit allat ilanngullugit nassiunneqassapput.

11. Immikkut akuerineqarneq

Ilinniagaqalernissamut pisortatigoortumik piunasaqaataasunut piginnaaninit naammangippata, taava nammineq inuttut qinnuteqaasiussaait. Ilinniagassatut qinnuteqarfinnut siullermut aappaanullu tigutinnissamut piunasaqaatit naammassimanngikkukkit qinnuteqarfigisatit allakkatigut nammineq qinnuteqarfigissavatit.

Ilinniarfinni aallartinnissamut sooq piukkunnaateqarnerlutit nassuiassavat. Ilinniarfimmu sianerlutit paasinarsinnaavat suut pingartinneqarnerlutit. Najukkanni Majoriami siunnersorti attavigisinnaavat qinnuteqaatit allannissaanut ikioqqullutit. Eqqaamallugu qinnuteqaatit nammineq atsiussagakku.

12. Ilinniartut ineqarfiani ini

Ilinniartut ineqarfianni inissarsiorneq pillugu allassaait Ilinniartut ineqarfianni inissarsioruit, ilinniartut ineqarfiinut qinnuteqarnermut immersuiffissaq immikkut ittoq atorlugu qinnuteqassaait. Ilinniarfik Nuummiippat, taava KAF-ip immersugassaataa immersorneqassaaq. Immersugassaq uani nassaarisinnaavat www.kaf.gl. Ilinniarfigerusutaq nammineq kollegiaateqarpat atuarfiup nitartagaani immersugassaq immersorneqassaaq.

13. Aningaaserivik

Ilinniagaqarneriutit kalaallit danskilluunniit aningaaseriviinut taamaallaat ikineqarsinnaapput.

14. Naalagaaffik innuttaaffigisaq

Ilinniagaqarneriutinik pisartagaqarniaruit danskitut innuttaassaait. Kalaallit ingerlaannartumik danskisut innuttaasuupput.

Danskisut innuttaaffeqanngikkuit maleruagassamik tassanngaanniit immikkut akuerineqarnissamut qinnuteqarsinnaavutit. Aalajangersakkat sukumiinerusumik uani takukkit

Ilinniagaqarneriutit pillugit Inatsisartut inatsisaat nr. 12, 22. november 2011-imeersoq

15. Danskit Ilinniagaqarneriutaat (SU)

18-t sinnerlugit ukioqaruit aatsaat immikkoortoq immersussavat.

Danmark-imi SU-mik pisartagaqarsimaguit imaluunniit pisartagaqaruit tamanna Kalaallit Nunaanni ilinniagaqarneriutinik pisartagaqarsinnaanernut pingaaruteqarsinnaavoq. Ingerlaqqiffiusunik ilinniagaqarnerni pingaaruteqarpoq qionernik qassinik pissarsisnaatitaanersutit. Danskit ilinniagaqarneriutaannik (SU-mik) pisarsimaguit pisaruilluunniit uppernarsaammik ilanngussigit.

16. Pisortanit ikiorsiissutit

Pensionisianik imaluunniit allanik pisortanit ikiorsiissutisarisaruit tamanna ilinniagaqarneriutinik pisartagaqarsinnaanernut pingaaruteqarsinnaavoq. Pisortanit ikiorsiissutisimaguit ikiorsiissutisarisaruilluunniit uppernarsaammik ilanngussissaait. Tamanna meeqqat angerlarsimaffiini paaqqinnit-tarfirmi imaluunniit angajoqqaarsiani najugaqartunut tamakkiisumik isumagineqartunut atuuppoq. Meeqqat pisartagaat atuartunullu tapiissutit "pisortanit ikiorsiissutaanngillat".

17. Meeqqanut tapit

Meeqqamut/meeqqanut meeqqanut tapinik qinnussunneqartunut pilersuisuugaanni ilinniartitaanerup nalaani meeqqanut tapinik pissarsisoqarsinnaavoq. Nalunaarsuutip allattorsimaffiat cpr.dk-meersoq ilanngutigut takussutissatut illit meeragigit.

18. Ilinniartitaanerup aallartinnerani angalaneq

Immikkoortoq taanna taamaallaat immersorneqassaaq illoqarfimmi ilinniarfiusumi najugaqanngikkuit.

Uppernarsaatit pisariaqartutut ilanngutissavatit:

- Najugaqarnermut uppersarsaat
- Katisimanermut uppersarsaat.

Malugiuk: Kalaallit Nunaanni ilinniagaqarniarlutit meeqqisaarniaruit angalanissamut ilaassutissamik tunniussisoqannginnerani inissaqarnermut meeqqallu paarsisoqarnissaanut uppersarsaatini takutitsissagavit.

19. Nassiussat angallanneqarnerat

Ilinniagaqarnissap aallartinnissaanut meeqqat akiliunneqarsimappata nassiussat angallanneqarnissaat akilerneqarsinnaavoq.

Katisimallugu aapparisaq / inooqatigisaq ilittulli ilinniagaqariartorpat nassiussat angallanneqarnerat akilerneqarsinnaavoq, sivikinnerpaamik arlassi ilinniarnissaat qaammatinik 20-inik amerlanerusunik sivilissuseqarpat.

Nassiussanik angallassineq containerinik 5,5 m³ tikillugu imartussusilinnik imaluunniit nassiussatut

5,5 m³-itum imartussusilinnik tamarmik immikkut 100.000,- kr.-inik aningaasartalinna sillimaserneqarsimasunik angallassinervoq. Pingasunik amerlanerusunilluunniit qitornaqaruit containerit marluk imaluunniit nassiussat 11,00 m³-nik annertussusillit akilerneqarsinnaapput.

20. Atsiorneq

Atsiornikkut uppersarsarpat paasissutissat allattukkatit eqqortuusut. Kukkusunik uppersarsaasii-nikkut ilinniagaqarnersiutinik pissarsisimaguit, ilinniagaqarnersiutitit utertinneqartussaapput, pinnerluttulerinermilu inatsit naapertorlugu pineqaatissinneqarsinnaallutit.

18-ini inorlugit ukioqaruit angajoqqaatit/ilinnut akisussaasoq sinnerlutit atsiussapput.

Ilanngussat allattorneri

Ilanngussanut suut ilanngussimanerlugit krydsiliissaatit.

Misissugassat

Eqqaamavigit?

- Atermut uppersarsaat

- Najugaqarnermut uppersaat

- Soraarummeernermit pappiarat imaluunniit karakterit allattorsimaffiat

Sulinermit, nunani allaniissimanermit imaluunniit højskolarsimanermit uppersaat

Meeraqaruit ilanngullugit eqqaamassavatit

Meeqqanut tamanut kuisinnermit imaluunniit inunngornermit allagartat

Ataataanermit nalunaarut

Akilersuinernulluunniit isumaqatigiissutaasoq.